

Jém segunda carta jém ijayñewiip Peto

Jém Peto ijáyáy jém Dios ipixiñtam

1 Ich aXimoy anniñiítim Peto. Ançuyoxap jém Jesucristo. Ich accám iga aapóstol, jém acutsatnetawiip. Manjáyáypa mimichfam jém iñcupicnetañwiip jeétim wibic añquímayooyi juuts aichfam. Jeeyucmi tawipictsoñtámpa jém tanJatuñ Dios y jém tánQmi Jesucristo jém taCiaputpáppic. ²Wi iga más y más jáyanap jém wibic tóyooyi y jém paz cuando más iñwixpictámpa jém tanJatuñ Dios y jém tánQmi Jesucristo.

Tumti jixi tanaif con Dios

³Tachiifáim jém ipimi iga wiñiñ tañwatta yíp naxyucmi ífumpiy jém wítampic cosa juuts iwianjam Dios porque tánixpicneta jém Cristo. Tacupiñneta iga tampictsoñtámiñ jém Dios ipimi porque tsam iniif jém wibic juctiañtsoca, tsam cuáyñe ijixi. ⁴Jeeyucmi tachi jém promesa tsam mij. Con ipimi tachiifámpaíim ífumpiy jém tsam wítampic cosa, jém tsampic tayoxpátpa juuts tajycamayñe. Cuando tampictsoñpa jém wítampic promesa, jesic tumti tanjixi con

Dios. Tactsacpa iga tammalwatpa y iga tañcusúníypa jém malopic cosa jém ífwiip yíp naxyucmi. ⁵Jeeyucmi mannímáypa, wattaami empeño con ífumpiy iñanama iga más y más iñwíwattámpa juuts iwianjam Dios porque tsam iniif fe. Jesic cuando más iñwíwattámpa, impictsoñtámiñ jém wibic jixi. ⁶Siiga iniifáta jém wibic jixi, jesic wiap ininjacta iñyaac iga odooyi micmalwadiñ. Siiga iñyaac mininjactap, jesic iñyaachíypa cuando miyaachwattap. Siiga wiap iñyaachiyta, jesic más cuáyñe iñjixi. ⁷Siiga cuáyñe iñjixi, jesic iñwínanigaytámpa jém iñfiwitam. Cuando iñwínanigáypa jém iñfiwitam, jesic iniifpa jém wibic tóyooyi.

⁸Siiga jáyanap yípyaj wítampic cosa, jesic quejpa iga da iñxajaixpic jém tánQmi Jesucristo. Wiap iñwatta jém Dios iyoxacuy. Da michíypa juuts tum pixin jém dápic para í wi. ⁹Pero jém dápic iniñ yíp wibic cosa jex juuts tum cáchfi, jextim juuts jém dápic juumi ixixóypa. Ijaamañot iga accáyayñeta jém ífánca jém iwatnewiip idic. ¹⁰Jeeyucmi mantíwítam, wadaytaami caso

iga in̄wīwattámiñ con ífumpiy imp̄imi, jesic quejpa iga numa Dios micupiñeta y miñwejayñeta. Porque siiga seguido in̄wīwattámpa, da nunca micutiñpa. ¹¹Siiga in̄wattámpa jempic, michiifámpa lugar iga miñúcpa siñyucmi. Tsam miwipictson̄tap juí in̄jacpa jém tánOmi Jesucristo, jém taCiacputpáppic, juí da nunca cuyajpa ip̄imi.

¹²Jeeyucmi da antsacpa iga manacj̄ispa yíp wibic j̄ixi iga odoy in̄jaamañnodiñ mex iga in̄w̄ijodot̄tam jém numapic an̄químayooyi y da in̄chacneta hasta siip. ¹³Ich an̄impa w̄i iganam avivo iga mantsicyuspa iga odoy in̄jaamañnodiñ títam in̄cuyujcane. ¹⁴Porque jém tánOmi Jesucristo acjodóna iga dam jáyñe acaaba. ¹⁵Añwatpa empeño iga manchiifámpa yíp wibic j̄ixi iga cuando acaaneum, in̄j̄istámiñ títam mannímáy.

Jém Peto iix cuando jém Cristo ip̄ictson̄ ífumpiy ip̄imi

¹⁶Da mammigóyayta cuando oy manañquejáy tí in̄asca jém tánOmi Jesucristo, cuando oy yíp naxyucmi con ip̄imi. Da je pixiñtam in̄j̄ixquiimi. Porque aichfam ánixñeta ánixcuymi cuando jém Cristo ip̄ictson̄ jém ip̄imi iga más mijpic an̄jagooyi. ¹⁷Ánixñeta cuando jém tanJat̄uñ Dios iccám jém Cristo iga más mijpic an̄jagooyi con ífumpiy ip̄imi. Ammaton̄ta jém Dios in̄j̄iyi jém wibic juctiant̄socajom. Nimpa iga: “Yíp jém amManic jém tsampic antoypa. Ich tsam amaymay con je.” ¹⁸Aichfam mismo ammaton̄ta

jém in̄j̄iyi, jém miñnewiip siñyucmi, cuando an̄waganaiífa jém tánOmi Jesucristo jém cotsicyucmi juí núc jém Dios ip̄imi. ¹⁹Siip másím tan̄w̄ijodot̄ñ iga da je migooyi jém an̄mañi jém in̄j̄aychacnewiip jém wiñicpic an̄mañciñwiñ cuando in̄matyay tí miñpa. Jesic mimichfam w̄i iga in̄wadaytámpa caso jém in̄mañi porque je jex juuts tum wibic jucti, jém tsocáppic piichciim. Tsam tayoxpátpa jém wiñicpic an̄mañi hasta icuquejama cuando químpa jém w̄iñmatsa in̄ñaman̄jom. ²⁰Wiñti jodónataami iga ni tum pixiñ da w̄iap in̄j̄is yaac tí nimtooba jém wiñicpic an̄mañi, jém in̄j̄aychacneyajw̄iip jém wiñicpic profeta. ²¹Porque jém wiñicpic profeta da nunca in̄matyay in̄j̄iximi juuts je ixunpa. Pero jém Dios in̄ñama ichi j̄ixi iga w̄iap in̄matyay juuts in̄wan̄jam Dios.

Miñpa jém migoyyajpaap

(Judas 4-13)

2 Pero wiñic it̄tim idic jém Dios ip̄ixiñtáman̄jom jém malopic profeta jém migoyyapap. Jesanetim siip it̄tim jém migoyyajpaap mimichtáman̄jom. Miyáman̄quejáypa jém migooyi, jém tsampic mimalwadáypa. In̄nécyajpa jém tánOmi Cristo jém tayojayñewiip tantánca. Iga tsam imalwatyajpa jém pixiñtam, da jáypa ichiiba castigo Dios. In̄untaactogoypa. ²Jáyan̄ pixiñtam ífún̄j̄iyaypa jém migooyi jém in̄imiñpáppic yíp malopic maestroyaj. Jeeyaj icuyucmi tsam maln̄imayt̄ap jém numapic an̄químayooyi. ³Tsam

icusúniyyajpa jém tumiñ. Jeeyucmi ijixquím jém migooyi iga mióbáypa jém iñtumiñ. Pero da jáypa chiifap castigo porque dende wiñigam Dios ijíycamayñe iga icyojpa jém ífánca jexpic pixiñtam.

⁴Wiñic Dios da iwadáy perdón jém sñyucmipic pixiñtam jém iwatnewiip tánca. Icot jém josjom, pajnetá jém piichcim, jém infierno, hasta que núc jém jama iga ciipintap. ⁵Ni dátim iwadáy perdón jém wiñicpic pixiñtam, jém ítyajwiip yíp naxyucmi cuando íf jém Noé. Dios icutsat jém diluvio iga ictogoypa jém malopic pixiñtam. Pero iciacput jém Noé jém inmadayñewiip jém pixiñtam iga iwíwadiñ juuts ixunpa Dios. Ciacputyajta ocho con jém Noé.

⁶Dios ictogoytim jém wisten attebet jém Sodoma y Gomorra. Iñoquet. Tsíy naps cuyjam. Iwadáy jempic iga tsíyñ juuts tum ejemplo jém wisten attebet para jém malopic pixiñtam jém miñpáppic ocni.

⁷Pero Dios iciacput jém wibic pixiñ jém Lot. Yíp pixiñ tsam anyác iga agui imalwatyajpa jém malopic pixiñtam. ⁸Yíp wibic pixiñ iwaganaiñ jém malopic pixiñtam. Ítumpiy jama tsam ijíspa ínamanjjom, tsam anyácpa cuando iix y imaton iga pími imalwatyajpa jeeyaj. ⁹TánOmi Dios ijodon jutsap iciacput jém wibic pixiñtam, jém icupicneyajwiip, cuando cutitstap. Pero jém malopic pixiñtam ichacpa aparte hasta núcpa jém jama iga ciipintap, chiifap castigo.

¹⁰Dios ichiiba castigo ítumpiy jém malopic pixiñtam, jém imétsyajpáppic iga imalwatpa juuts

ixunpa iyaac, jém ijóyixpáppic iga injjacpa Dios. Da iwianjamyaj iga injjacpa. Tsam jáyayanjíchich. Da matónoypa. Da icinpa jém mijpic anjagooyiyaj jém ítwiip sñyucmi, tsam imalnímáypa. ¹¹Pero jém sñyucmipic pixiñtam aunque más wiap y tsam inií ipimi, da iniquímpa quejaj Dios iwíñjom contra jém malopic.

¹²Yípyaj ijóyixpáppic Dios jex juuts jém jimñi animatyaj dápic jixiy. Nay iga matstap y accaatap. Tsam imalnímáypa jém wibic jixi jém dápic icutiíyápa. Núcpa jama iga accaayajtap jeeyaj juuts jém jimñi animatyaj. ¹³Tsam yaachwattap jeeyaj iga agui iyaachwatyaj jém itíwítam.

Tsam maymay iga imalwatyajpa sijnñi juí íxtap, da tsaap. Nímanjtaayap iga icupicpatim Cristo iga mimigóyápa. Tsam táncaíy, tsam imalwatyajpa iganam miwagawíctámpa. ¹⁴Tsam icusúníyapa jém malopic yomtam. Da cuspa imalwatyaj. Tsam imigóyápa jém tantíwítam iga icmalwatpa jém dápic iwícupicne jém wibic anquímayooyi. Agui inyujne iga icusúníyapa jém itíwítam imiichi. Dios ijíycamayñe iga ichiiba castigo jexpic pixiñtam.

¹⁵Togoyñeyaj porque ichacyaj jém numapic tun. Iwatyajpa juuts iwat jém wiñicpic anmatciwiñ jém Balaam jém Beor imaníc. Jém Balaam imalwatpa iga icoñwíyapa tumiñ. ¹⁶Pero wogayta jém profeta Balaam iga imalwatpa. Jém iburro ijíyáy juuts tum pixiñ. Mex iga da jíyapa jém animatyaj, injjijac iga ichaguiñ iga locojane.

¹⁷Yípyaj pixiñtam juuts tum niixcuy titsnewiip, jex juuts jem ucsi jem ñapic tujíy, jem tsampic inipoy jem sawa. Dios ijiycámáy iga ichiiba castigo jem piichciim, juñ tsam pími piichi, juñ ña nunca putpa. ¹⁸Tsam aňmatyajpa, pero ña ti cuwatcuy jem iňmañi. Iñímayyaj jem pixiñtam iga wí iga imalwatyajpa. Nímayñap iga wíap iwatyaj títam icusúníypa ianamanjòm. Icmalwatpa jem pixiñtam jem yaguñpic ichacneyaj jem malopic vida. ¹⁹Iñímáy jeeyaj iga iniñ libertad iga iwatyajpa juuts ixunpa iyaac. Pero yíp malopic maestro je mismo tsíy juuts tum esclavo. Ñatim wíap iwat juuts ixunpa iyaac, pero jem malopic jixi iňjacpa juuts tum esclavo. Siiga i iňjacpa jem malopic jixi, tsíypa juuts esclavo. ²⁰Siiga i iixpicpa jem tánQmi Jesús, jem taciaputpáppic, y siiga ichac iga imalwatpa juuts iwatyajpa jem ítyajwiip yíp naxyucmi, pero ocmi eybicím mojpá imalwat juuts iwatpa wiñti, jesic jem malopic jixi iconwíy. Tsíy jem píxiñ juuts tsenta con cadena. Más pími malo que cuando ñanam icupicne Cristo. ²¹Más wí jem píxiñ meega ña iixpicne jem numapic tuñ que iga cuando iixpicne, ocmi ichacpa iga icupicpa jem wíbic aňquímayooyi jem ichiñewiip Dios. ²²Iñascaaba jem píxiñ juuts nimpá jem aňmañi jem ñapic je miñooyi: “Jém chimpa eybic icútpa jem iichi. Jém yoya, jem wíacchiñnetawíip, eybic chinpa tuutjòm.”

Miñgacpa jem tánQmi

3 Mantíwítam,
mantoyámpáppic, wisciyam

manjáyáypa. Siip manacjispa eybic jem wíbic jixi jem iniñwiip iñanamanjòm ²iga odoy iñcujisayfámiñ ti nímypa jem wiñpic profeta y jem tánQmi iñquímayooyi jem taciaputpáppic. Jeeñim aňmañi miñquejáy jem tunjac apóstolyaj.

³Wiñti, jodónataami iga jem iňaňpigam jama miñyajpa jem malopic pixiñtam, tsam iwadayyajpa burla jem wítampic cosa. Tsam iwatyajpa ítumpiy jem malopic cosa juuts ijsiyajpa jeeyaj ianamanjòm. ⁴Acwágooyajpa: “¿Que ña miñgacpa? ¿Siip juñ ít? Dende caaneyaj jem wiñpic pixiñtam, ítumpiy cosa jextim, ña cucacne dende watneta yíp mundo.” ⁵Yípyaj icujisáy iga ña jex ítumpiy cosa dende wiñic. Porque wiñgam Dios iñímáy jem siñ iga idiñ y jesic ítum. Dios iñímáy jem nas iga puñiñ niñciim, tsíyñ titsijòm, jesic putum. Con jeeñim ni iwat jem nas. ⁶Ocni Dios icmiñ jem diluvio, ictogoy ítumpiy jem ítwiip idic yíp naxyucmi. ⁷Pero jem nas y jem siñ jem ítwiip siip, juuts nimpá jem mismo aňmañi, iñjócyajpa jem jama cuando nooquettap con juñti. Iñjócyajpa jem iňaňpigam jama cuando chiñyajtap ítumpiy jem malopic pixiñtam iga actogoyyajtap. ⁸Mantíwítam, mantoyámpáppic, jem tánQmi ña tãñcaap inimiñ jem castigo porque para je tum jama juuts tum mil amíty. Y tum mil amíty juuts tum jama. ⁹Jém tánQmi ña chocoyap iccupac juuts tajiycámayñe juuts ijsiyajpa algunos. Ña jáypa iccupacpa, pero tsam

iyaachíypa jém ítyajwiip yíp mundo, da jobí ichégáy jém ífánca porque tsam iyaachanjampa. Da ixunpa iga togoypa ni tum. Ixunpa iga ítumpiy jém pixiñtam icucacyajiñ ijxi.

¹⁰Jém jama, cuando miñgacpa jém tánOmi, icupiichcíypa jém pixiñtam juuts tum númpaap tsuucim. Actogoytap ítumpiy cosa jém tánixpáppic sinyucmi. Nooquettap. Tsam pími tíñpa juuts tum mijpic jucti. Nooquettapím yíp nas y ítumpiy cosa jém ítyajwiip yíp naxyucmi.

¹¹Como tanjodon iga togoypa ítumpiy yípyaj cosa, wí iga tanwíwattamiñ juuts ixunpa Dios. ¹²Iganam tananjóctampa jém tiempo, wí iga tanwattamiñ títam wíap tanwat iga más jicsciy miñpa jém jama cuando Dios iciipiñpa jém pixiñtam. Cuando núcpa jém jama nooquettap jém siñ. Jém dápic jípspa, accunoomaytap. ¹³Pero taichítam tananjóctampa iga Dios icjoomasetpa jém siñ y jém nas porque jempam ijyicámne. Nicpa íti naps jém wibic pixiñtam jém jomipic naxyucmi.

¹⁴Jeeyucmi mantíwítam, mantoytampáppic, iganam ininjóctampa, watí empeño iga injwíwattampa juuts miwíap. Jesic

cuando miñpa Cristo, mipátpa iga da síp iníñata, da immalwattampa, da mifáncaiyta. ¹⁵Cutiíyíyaami iga jém tánOmi tsam iyaachíypa jém malopic pixiñtam iga iciacputpa. Jempicím mijáyáy jém tantíwi Pablo jém tsampic tantoypa. Wíap miñmadáy tí miñpa porque Dios ichi jém jíxi. ¹⁶Cuando ijaychac jém toto jém Pablo, siempre inmatpatim jeetim anquímayooyi juuts ichpic anajmat. Numa, uxan tánca tancutiíyíypa jém Pablo inquímayooyi. Jém pixiñtam, jém dápic wícuyujne y jém dápic jíxiíy, inejacutiíyíypa títam ijaychac jém Pablo. Inejacutiíyítim jém tungac parte jém Dios inmatí. Jempic nactogoyajtap iyaac.

¹⁷Pero mimichítam, mantíwítam, mantoytampáppic, manacjodónane wíñti iga tsam íf jém migooyi. Jesic cuidado iga í mictsacpa jém Dios inmatí con jém migooyi jém inmatpáppic jém malopic pixiñtam. ¹⁸Siip más y más cutiíyíyaami jém wibic jíxi jém tachiñewiip jém tánOmi Jesucristo, jém taCiacputpáppic. Wítim iga más jáyanap jém Cristo ítóyooyi inñanamanjom. Tanjucijítamiñ siip jém tánOmi Cristo para ítumpiy jama. Jemum cuyaj.